



Resolución reitoral de 31/03/2020 pola que se regula o procedemento de autorización de teses de doutoramento para a súa defensa durante a suspensión de prazos administrativos como consecuencia da declaración do estado de alarma

A declaración do estado de alarma (Real decreto 463/2020, do 14 de marzo) supuxo, entre outra medidas, a suspensión dos prazos administrativos (disposición adicional terceira) e da actividade educativa presencial en todos os niveis de ensinanza (artigo 9). Porén, o real decreto tamén matiza as devanditas suspensións e establece que durante o período de suspensión se manterán as actividades educativas a través das modalidades a distancia e en liña (*online*), sempre que resulte posible (punto 2 do artigo 9). Do mesmo modo, respecto á suspensión de prazos administrativos, aclara que "...o órgano competente poderá acordar, mediante resolución motivada, as medidas de ordenación e instrución estritamente necesarias para evitar prexuízos graves nos dereitos e intereses da persoa interesada no procedemento e sempre que esta manifeste a súa conformidade, ou cando a persoa interesada manifeste a súa conformidade con que non se suspenda o prazo" (punto 3 da disposición adicional terceira).

Como consecuencia da declaración de estado de alarma, o 20 de marzo a Escola Internacional de Doutoramento (EIDUDC) comunicou á comunidade universitaria a través da súa páxina web a interrupción do cómputo de tempo dos estudos de doutoramento e a suspensión de todos os seus prazos administrativos (depósito de teses, autorizacións de defensa, convocatorias de defensa). No entanto, existe a posibilidade de que esta suspensión dos prazos de depósito e defensa poida provocar un prexuízo grave a aqueles doutorandos que, coa súa tese finalizada, vexan comprometidas as súas expectativas laborais pola demora na defensa da súa tese. Por tanto, semella oportuno adoptar as medidas necesarias para que os estudantes de doutoramento que xustifiquen que o seu futuro laboral se ve comprometido por esta suspensión poidan completar o proceso de depósito e defensa da súa tese durante o estado de alarma.

Código Seguro De Verificación	LiRb9LznDlSn7vmwtlg34Q==	Estado	Data e hora
Asinado Por	Julio Ernesto Abalde Alonso - Reitor	Asinado	31/03/2020 12:20:26
Observacións		Páxina	1/4
Url De Verificación	https://sede.udc.gal/services/validation/LiRb9LznDlSn7vmwtlg34Q==		





Con este fin, adóptanse as seguintes medidas:

1. Os/as estudantes de doutoramento que consideren que a suspensión dos prazos de depósito, autorización de defensa e convocatoria de defensa das teses de doutoramento supón un prexuízo grave aos seus intereses poderán solicitarlle á EIDUDC a non suspensión dos devanditos prazos. As solicitudes deberán xustificar debidamente o prexuízo que a suspensión dos prazos pode provocarlles e terán que contar co visto e prace da dirección da tese e da Comisión Académica do programa de doutoramento en que está matriculado/a o/a estudante.
2. As solicitudes presentadas de acordo co punto anterior serán valoradas pola Comisión Permanente da EIDUDC, que decidirá se procede autorizar a non suspensión dos prazos.
3. Aqueles/as estudantes autorizados/as pola Comisión Permanente poderán continuar cos procesos de autorización de defensa (exposición pública, nomeamento do tribunal, defensa pública da tese e cualificación desta) regulados no capítulo IX "Tese de doutoramento" do Regulamento de estudos de doutoramento da Universidade da Coruña, aprobado polo Consello de Goberno do 17 de xullo de 2012 (última modificación o 30 de outubro de 2019) (en diante REDUDC), cas seguintes **modificacións**:
 - a. A documentación para a autorización da tese para a súa defensa, mencionada no art. 34.2 do REDUDC, deberá presentarse exclusivamente en formato electrónico, acompañada dun escrito do/a estudante comprometéndose a entregar o exemplar da tese en soporte papel asinado, coa maior brevidade posible, unha vez levantadas as restricións polo estado de alarma. No caso de documentos asinados, a sinatura farase cun certificado electrónico expedido pola FNMT ou, no seu defecto, por unha autoridade de certificación cualificada (Regulamento (UE) No910/2014 do Parlamento Europeo e do Consello, do 23 de xullo de 2014, <https://sedeaplicaciones.minetur.gob.es/Prestadores/Inicio.aspx>).
 - b. A exposición pública da tese mencionada no art. 34.3 terá lugar exclusivamente por vía telemática. A EIDUDC dará publicidade á apertura do período de exposición con aviso de que os/as doutores/as interesados/as en examinar a tese deberán solicitar acceso a esta mediante un correo electrónico dirixido a oficina.doutoramento@udc.gal

Código Seguro De Verificación	LiRb9LznDlSn7vmwtlg34Q==	Estado	Data e hora
Asinado Por	Julio Ernesto Abalde Alonso - Reitor	Asinado	31/03/2020 12:20:26
Observacións		Páxina	2/4
Url De Verificación	https://sede.udc.gal/services/validation/LiRb9LznDlSn7vmwtlg34Q==		





- c. Os informes que os membros do tribunal deben facer chegar á EIDUDC, segundo o art. 34.8 do REDUDC, poderán presentarse en formato electrónico sempre que vaian asinados cun certificado electrónico expedido por unha autoridade de certificación cualificada. Os membros do tribunal que non dispoñan de certificado electrónico poderán enviar unha copia escaneada do informe, co compromiso de remitir o orixinal por correo postal.
- d. Durante o acto de defensa pública da tese (art. 37 do REDUDC), todos os membros do tribunal e o/a doutorando/a deberán estar presentes por videoconferencia. Para garantir que o acto de defensa ten lugar en sesión pública, a EIDUDC dará publicidade á data e hora da defensa, así como ao sistema telemático que permita que calquera persoa interesada poida seguir en directo o acto. Do mesmo modo, a EIDUDC informará ao tribunal do procedemento que se seguirá para que, unha vez finalizada a tese, poida deliberar a súa cualificación de maneira confidencial e como proceder para que o/a presidente/a do tribunal comunique en sesión pública a cualificación da tese conforme o establecido no art. 38.1 do REDUDC.
- e. Os documentos que deben ser cubertos no acto de defensa da tese de doutoramento (art. 37.2 do REDUDC) serán enviados en formato electrónico ao/á secretario/a do tribunal, quen se encargará de cubrilos e asinalos dixitalmente. O/a secretario/a dará fe do acto de defensa, de xeito que a súa sinatura será a única necesaria para a acta de constitución do tribunal e para a acta da sesión.
- f. Os sobres oficiais e informes confidenciais sobre a tese para os efectos da mención *cum laude* e premio extraordinario que menciona o punto c) do art. 37.2 do REDUDC serán substituídos por un sistema electrónico que permita emitir os devanditos informes con garantías de confidencialidade.
- g. O escrutinio da votación para a mención *cum laude* en sesión diferente á do acto de defensa da tese que menciona o art. 38.2 terá lugar na EIDUDC sen necesidade de que ningún membro do tribunal estea presente durante tal escrutinio. Durante o escrutinio, estará presente o/a director/a da EIDUDC, ou o membro do equipo directivo da EIDUDC en

Código Seguro De Verificación	LiRb9LznDlSn7vmwtlg34Q==	Estado	Data e hora
Asinado Por	Julio Ernesto Abalde Alonso - Reitor	Asinado	31/03/2020 12:20:26
Observacións		Páxina	3/4
Url De Verificación	https://sede.udc.gal/services/validation/LiRb9LznDlSn7vmwtlg34Q==		





quen delegue, e a xefa da Oficina de Doutoramento, ou persoa da Oficina en quen delegar.

- h. A EIDUDC encargarse de que os informes confidenciais do tribunal sobre a tese para os efectos do premio extraordinario se garden en sobre pechado para seren así entregados ao tribunal que, no seu momento, se encargará de elaborar a proposta de concesión de premios extraordinarios de doutoramento.
- i. O director da EIDUDC, ou persoa en quen delegar, queda facultado para resolver calquera imprevisto que puidese xurdir como consecuencia do uso de ferramentas telemáticas para o acto de defensa.

Código Seguro De Verificación	LiRb9LznDlSn7vmwtlg34Q==	Estado	Data e hora
Asinado Por	Julio Ernesto Abalde Alonso - Reitor	Asinado	31/03/2020 12:20:26
Observacións		Páxina	4/4
Url De Verificación	https://sede.udc.gal/services/validation/LiRb9LznDlSn7vmwtlg34Q==		

